

御纂詩義折中

一
函
八
冊

御纂詩義折中卷之五

王風一之六

王風周東都之風也。周公營洛邑爲朝會諸侯之所。平王東遷遂都焉。其詩皆民間勞人思婦之作。不可爲雅。止及境內。不能被於天下。不可名周。故繫之王。尊之也。猶春秋之書王人也。左傳襄公二十九年。吳季札來觀樂。邶鄘衛後爲之歌。王然則王風之名。以及風詩之次第。其來久矣。

言事
卷之三
彼黍離離彼稷之苗行邁靡靡中心搖搖知我者謂我心憂不知我者謂我何求悠悠蒼天此何人哉

賦而興也黍穀名似蘆離離垂貌稷亦穀也似黍而小靡靡猶遲遲搖搖心動也周室東遷以鎬京與秦大夫行役至於宗周見沃野千里皆爲秦有故言彼黍彼稷外之也心憂故國行靡靡而心搖搖此惟留心世道之人乃能知之若泛泛者則不知矣無可告語故呼天而訴之也朱子曰既嘆時人莫識已意又傷所以致此者果何人哉追怨之

深也

彼黍離離彼稷之穗遂行邁靡靡中心如醉知我者謂

我心憂不知我者謂我何求悠悠蒼天此何人哉

賦而興也稷穗下垂有如人之心醉朱道行曰如醉者搖搖之感深而沉寔也

彼黍離離彼稷之實行邁靡靡中心如噎咽知我者謂

我心憂不知我者謂我何求悠悠蒼天此何人哉

賦而興也稷實堅結有如人之心噎朱道行曰如噎者搖搖之感鬱而凝滯也

黍離三章章十句

詩序曰黍離閔宗周也夫宗周者是文武所經營也是成康以來所世守也宮廟陵寢皆在焉土田上上山川險塞是天下之奧區也犬戎作難釁起一時秦襄力戰彼亦自復其仇耳爲平王者留晉文侯鄭武公夾輔周室使襄公逐西戎而居之則周可復興與宣王爭烈矣乃懼其侵暴而卽安於東舉西京而畀之秦異曰者秦之代周實始於此大夫行

役興懷於彼黍彼稷者傷周之物產而爲秦之粢盛也周之民人而供秦之賦役也呼蒼天而問何人蓋嘆平王君臣以國與人不知誰實倡爲此謀也不然赫赫宗周褒姒滅之舉世皆知而又問何人哉

君子于役不知其期曷至哉雞棲于塹西時日之夕矣羊牛下來君子于役如之何勿思

賦也君子婦人稱其夫也鑿塹而棲曰塹此農民行役而其妻思之也言君子于役不知返還之期

言事抄
則何日而可至哉雞棲于埽雞至也羊牛下來羊
牛至也畜產皆至而君子不來如之何而能不思
哉

君子于役不日不月曷其有佸括雞棲于桀日之夕矣
羊牛下括括君子于役苟無飢渴

賦也佸官也桀杙也埽藏而桀露故先至者棲埽

後至者棲桀也括至也苟無飢渴不久望其來至
而但望其生全也朱子曰君子行役之久不可計
以日月而又不知其何時可以來會亦庶幾其免

於飢渴而已矣此憂之深而思之切也

君子于役二章章六句

詩序曰君子于役刺平王也古之行役未有
無定期者雨雪霏霏遣戍役而預言歸期也
卉木萋萋勞還率而詳言歸期也今至於不
知其期則是政令無節而不體民之心也公
劉之詩曰乃積乃倉乃裹餼糧于橐于囊未
有用其身命而不豐其衣食者今至於求免
飢渴則是糗糧有缺而不恤民之身也民者

國之本也。平王東遷，國家再造，而虐用其民。

如此失本計矣。

君子陽陽，左執簧，右招我由房，其樂只且。

洛止疽

賦也。陽陽，自得之貌。簧，笙也。由，從也。房，奏樂之所。

孔穎達曰：房中之樂，作於小寢。天子以周南諸侯

以召南言君子爲伶官而志氣陽陽，常若自得。左

手執簧，右手招我，使由房，以爲此中甚樂也。我爲

所招者，自謂也。蓋其友感君子之相招而賦此也。

君子陶陶，左執翫，右招我由敖，其樂只且。

賦也。陶陶喜悅之狀。翻舞羽也。敎舞位也。由房敎

以樂聲。由敎敎以舞容也。

君子陽陽二章章四句

詩序曰。君子陽陽。閔周也。君子隱於伶官。相

招爲祿仕。全身遠害而已。簡兮之伶官。以執

籥見嘲。尚思用世也。故以賤爲悲也。由房之

伶官。以執簫相招。止求至生也。故以賤爲樂

也。此可以觀世變焉。然值危亂之時。而陽陽

陶陶。近於玩世而不恭矣。再言其樂。只重

之乎抑調之也。謂其性情不厚而果於忘世也。諒其心而又欲進其德。可謂益友矣。

揚之水不流東。薪彼其之^記子不與我戍申。懷哉懷哉。

初月予還歸哉。

興也。以手激水曰揚。戍屯守也。申姜姓之國。平王之母家也。申侯弑幽王。平王不討而反命諸侯。成之事不順。則令不行。故獨周人戍焉。而諸侯不與也。歐陽修曰。激揚之水不能流東。薪猶平王政衰不能令諸侯也。彼其之子。周民謂他國之當戍者。

也。蘇軾曰：不與戍申，然諸侯不至也。曷月旋歸，久戍而不得代也。

揚之水，不流束楚。彼其之子，不與我戍甫。懷哉懷哉，曷月予還歸哉。

興也。楚，荆條也。束，楚輕於束薪矣。而亦不流，戍人之甚也。甫，呂也。亦姜姓。蓋當時以申故，而並戍之。揚之水，不流束蒲。彼其之子，不與我戍許。懷哉懷哉，曷月予還歸哉。

興也。蒲，草也。束蒲更輕於束楚矣。許亦姜姓之國。

周語曰申呂雖衰齊許猶在是也

揚之水三章章六句

詩序曰揚之水刺平王也朱子曰申侯與犬戎攻宗周而弑幽王此王法必誅不赦之賊而平王不共戴天之仇也今平王知有母而不知有父知其立已爲有德而不知弑父爲可讎至使復仇計賊之師反爲報施酬恩之舉則其忘親逆理而得罪於天已甚矣又王室有故則方伯連帥以諸侯之師救之天子

鄉遂之民供貢賦衛王室而已今乃勞天子
之民遠爲諸侯戍守故周人以非其職而怨
思焉則其哀懦微弱而得罪於民又可見矣
吐雷反
中谷有薤薤嘆其乾矣有女仳離仳嘅其嘆矣難
遇人之艱難矣

興也薤益母草也嘆燥也乾高地也仳別也嘅嘆
聲言天時亢旱物產凋殘故中谷有薤在乾地者
先嘆矣凶年饑饉室家不保故有女仳離初見棄
而嘅嘆矣其嘅而嘆也以爲是遇人之艱難也諒

之而不怨也

中谷有蓷。嘆其修矣。有女仳離。條其嘯矣。條其嘯矣。遇人之不淑矣。

興也。修。平地也。條。長也。嘯。與嘯同。淑。善也。旱之久。在平地者亦嘆矣。棄之久。則嘔嘆者。條嘯矣。其條而嘯也。以爲是遇人之不善也。怨之而不怒也。

中谷有蓷。嘆其濕矣。有女仳離。啜其泣矣。啜其泣矣。何嗟及矣。

興也。濕。窪地也。啜。泣貌。旱之極。在濕地者亦嘆矣。

窮之極則條歎者啜泣矣其啜而泣也以爲事已至此末如之何雖嗟亦無及矣蓋不怨人而自悲且自勸其勿過悲也性情之溫厚如此而猶不免於見棄此則國家之大勢有所以致之而非一人之欲矣詩人是以敘其事而深悲之也

中谷有蓷三章章六句

詩序曰中谷有蓷閔周也范處義曰世治則室家相保者上之所養也世亂則室家相棄者上之所殘也其使之也勤其取之也厚則

夫婦日以衰薄而凶年不免於離散矣伊尹
曰匹夫匹婦不獲自盡民主罔與成厥功故
讀詩者於一物失所而知王政之惡一女見
棄而知人民之困周之政衰民散而無以爲
國於此亦可見矣

有兔爰爰雉離于羅我生之初尙無爲我生之後逢
此百罹尙寐無吡

此也兔性陰狡爰爰自得之貌雉性耿介離麗羅
網罹罪吡動也朱子曰兔爰爰而雉離羅以此小